

Na osnovu člana 13. stav 5. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", broj 71/05), federalni ministar poljoprivrede, vodoprivrede i šumarstva donosi

PRAVILNIK

O NAČINU I METODOLOGIJI PROVOĐENJA STRUČNOG PREGLEDA NAD PROIZVODNJOM SJEMENA

I. OSNOVNE ODREDBE

Član 1.

Ovim Pravilnikom se propisuje sadržaj, oblik i način provođenja stručnog pregleda i izrade izvještaja o stručnom pregledu nad proizvodnjom šumskog i hortikulturnog sjemena, kao i uslova koje je obavezna da ispuni ovlaštena institucija za te poslove.

Član 2.

Za obavljanje stručnih pregleda iz člana 1. ovog Pravilnika propisuju se obrasci za kontrolu objekata u kojima se proizvodi sjeme (sjemenskih sastojina, plus stabala, sjemenskih plantaža i stabala za proizvodnju sjemena poznatog porijekla), te zdravstveno stanje objekata.

Za obavljanje stručnih pregleda daje se ovlaštenje stručnim licima iz ovlaštene institucije koja obavljaju ove aktivnosti, prema članu 13. stav 3. tačka 1. Zakona o sjemenu i sadnom materijalu šumskih i hortikulturnih vrsta drveća i grmlja (u daljnjem tekstu: Zakon).

Član 3.

Zapisnici o stručnoj kontroli iz člana 1. ovog Pravilnika vode se na posebnim obrascima koji su tipkani uz ovaj Pravilnik i čine njegov sastavni dio, a mogu se voditi i elektronski.

Član 4.

Uz zapisnike o kontroli vodi se:

1. arhiva sa godišnjim izvještajima za svaki sjemenski objekat, šumariju, odnosno kantonalna šumsko gospodarska društva i
2. prikaz rezultata statističke obrade podataka o urodu sjemena i stanju sjemenskih objekata.

Član 5.

Rad na arhivisanju i statističkoj obradi podataka nad proizvodnjom sjemena obavlja ovlaštena institucija, kao i ovlašteno lice u Federalnoj upravi za šumarstvo pri Federalnom ministarstvu poljoprivrede, vodoprivrede i šumarstva, a koju ovlasti federalni ministar poljoprivrede, vodoprivrede i šumarstva (u daljnjem tekstu: federalni ministar).

Član 6.

Podaci koji se vode na računaru upisuju se i na odgovarajući medij kao sigurnosna kopija, te se čuvaju u arhivi ovlaštene institucije.

Ovlašteno lice dužno je da čuva podatke od zloupotrebe, oštećivanja i uništenja, a može ih ustupiti na uvid samo uz odobrenje federalnog ministra.

Član 7.

Ovlaštena institucija, preko ovlaštenih lica dužna je da Federalnom ministarstvu poljoprivrede, vodoprivrede i šumarstva (u daljnjem tekstu: Federalno ministarstvo) dostavi sve promjene koje su nastale u proizvodnji sjemena, te da predloži brisanje iz registra proizvođača sjemena, a odnosi se na proizvođače koji se ne budu pridržavali uslova propisanih Zakonom i ovim Pravilnikom.

Član 8.

Urod sjemena se procjenjuje iskustveno tokom pregleda i daje se ocjena uroda od 0 do 5.

Ocjene se daju na sljedeći način:

1. 0 - nema uroda (stabla bez cvjetanja i uroda ili pojedina stabla sa urodom);
2. 1 - jako slab urod (do 15% stabala u sastojini cvjetalo i sa urodom);
3. 2 - slab urod (15-25% stabala u sastojini cvjetalo i sa urodom);
4. 3 - dobar urod (25-50% stabala u sastojini cvjetalo i sa urodom);
5. 4 - vrlo dobar urod (50-80% stabala u sastojini cvjetalo i sa urodom);
6. 5 - odličan urod (preko 80% stabala u sastojini cvjetalo i sa urodom).

Član 9.

Zdravstveno stanje sjemenskog objekta procjenjuje se tokom pregleda i daje se ocjena: dobro, pogoršano i loše.

Ocjene se daju na sljedeći način:

1. Dobro zdravstveno stanje: Nije utvrđeno prisustvo jednog ili više štetnih činioca: uzročnika bolesti (patogena), štetočina i značajnijih povreda drveća i grmlja. Higijena objekta dobra.
2. Pogoršano zdravstveno stanje: Utvrđeno je prisustvo jednog ili više štetnih činioca u manjem intenzitetu: patogena, štetočina i značajnijih povreda drveća i grmlja. Higijena objekta narušena.
3. Loše zdravstveno stanje: Utvrđeno je prisustvo jednog ili više štetnih činioca u jačem intenzitetu: patogena, štetočina i značajnijih povreda drveća i grmlja. Higijena objekta loša.

II. OBRASCI ZA PREGLED (KONTROLU) SJEMENSKIH SASTOJINA, PLUS STABALA, SJEMENSKIH PLANTAŽA I MATIČNJAKA

Član 10.

Obrasce za stručni pregled nad proizvodnjom sjemena i reproduktivnog materijala iz matičnjaka popunjavaju ovlaštenog stručnog lica ovlaštene institucije i odgovaraju za tačnost upisanih podataka.

Član 11.

U obrazac (S1) za pregled sjemenskih sastojina, plus stabala, sjemenskih plantaža, matičnjaka, na osnovu člana 14. stava 1. Zakona upisuju se sljedeći podaci:

1. naziv i sjedište pravnog lica, odnosno proizvođača;

2. registracioni broj sjemenskog objekta ili matičnjaka, i datum upisa u registar;
3. ekološko vegetaciona pripadnost sjemenskog objekta, odnosno porijeklo klonskog ili generativnog materijala u sjemenskim plantažama;
4. za sjemenske plantaže broj klonova i njihovo porijeklo;
5. stanje u kojem se nalazi objekat, da li je uređen ili nije;
6. procjena uroda;
7. trenutno zdravstveno stanje i procjena za naredni period;
8. datum obavljenog pregleda;
9. prisutna lica tokom pregleda.

Član 12.

U obrazac (S2) za pregled objekta za proizvodnju sjemena poznatog porijekla upisuju se sljedeći podaci:

1. naziv i sjedište pravnih lica, odnosno proizvođača;
2. ekološko vegetaciona pripadnost sjemenskog objekta, odnosno porijeklo klonskog ili generativnog materijala u sjemenskim plantažama;
3. geografska dužina i širina, sa nadmorskom visinom;
4. stanje u kojem se nalazi objekat, da li je uređen ili nije;
5. procjena uroda;
6. trenutno zdravstveno stanje;
7. datum obavljenog pregleda;
8. prisutna lica tokom pregleda.

Zapisnik se sačinjava neposredno po završenoj doznaci stabala, te se prilikom kontrole od strane ovlaštenih lica obilježavaju stabla sa kojih se može sabirati sjeme.

Član 13.

Sjemenski objekti i matičnjaci koji ne ispunjavaju osnovni minimum za proizvodnju sjemena i reproduktivnog materijala ili su potpuno ugroženi napadom patogena i insekata brišu se iz registra sjemenskih objekata i matičnjaka na prijedlog ovlaštenih lica, koji na posebnom obrascu (S3) obrazlažu brisanje tog objekta.

Član 14.

Uvjerenje o obavljenoj kontroli se izdaje najkasnije 15 dana nakon što je obavljena na terenu.

III. POTREBNA OPREMA ZA OBAVLJANJE STRUČNOG PREGLEDA

Član 15.

Potrebna oprema za kontrolu nad proizvodnjom sjemena sastoji se od:

1. jedne od vrsta penjalica za skidanje uzorka sa zaštitnom opremom;
2. dvogleđa i GPS;
3. laboratorijskih kapaciteta za kontrolu polena i procjenu razvoja sjemena sa mikroskopima;
4. laboratorijskih kapaciteta za determinaciju patogena i štetnih insekata (stereoskopi, mikroskopi, sterilizatori, autoklav, laminar i sl.).

Član 16.

Za kontrolu nad proizvodnjom sjemena poznatog porijekla je potrebno posjedovanje GPS za određivanje nadmorske visine i pozicije stabala u Gaus-Kriggerovom koordinatnom sistemu, te žuta farba kojom će se označiti sjemenska stabla sa kojih će se sabirati sjeme.

IV. PRELAZNE I ZAVRŠNE ODREDBE

Član 17.

Ovlaštena institucija koja će vršiti nadzor nad proizvodnjom dužna je da ima odgovarajuće stručnjake prema članu 13. stav 3. Zakona i da posjeduje svu potrebnu opremu danom stupanja na snagu ovog Pravilnika

Član 18.

Pravne osobe, proizvođači sjemena upisani u Registar proizvođača sjemena i vlasnika matičnjaka, su dužne da usklade svoje poslovanje sa odredbama ovog Pravilnika najkasnije u roku od šest mjeseci od dana stupanja na snagu istog.

Član 19.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 01-02-325-02/06
decembra 2006. godine
Sarajevo

Ministar
Marinko Božić, s. r.

Obrazac S1_____
naziv ovlaštene institucije_____
adresa

Broj: _____

Datum: _____

vlasnik sjemenskih objekata**ZAPISNIK**

Na temelju pravilnika o načinu i metodologiji po kojoj će se provoditi stručni pregled nad proizvodnjom sjemena, izvršena je redovna kontrola slijedećih sjemenskih objekata:

Sjemenska sastojina – plantaža (klon) – matičnjak (vrste)	Gospodarska jedinica	Odjel	Registracijski broj

Pregledom sjemenskih sastojina procijenjen je slijedeći urod:

Sjemenska sastojina – plantaža (klon) – matičnjak (vrste)	Odjel	Ekološko vegetacijska pripadnost (sjemenskog objekta ili klonskog materijala)	Urod sjemena

Pregledom sjemenskih sastojina konstatirano je sljedeće zdravstveno stanje:

Sjemenska sastojina – plantaža (klon) – matičnjak (vrste)	Odjel	Zdravstveno stanje

Preporučene uzgojno zaštitne mjere u objektima:

Od strane šumarstva prisustvovala su pregledu sljedeće osobe:

- 1.
- 2.
- 3.

Kontrolu od strane ovlaštene institucije obavile su sljedeće ovlaštene osobe:

- 1.
- 2.
- 3.

Prvi pregled

Drugi pregled
Mjesto-Datum

M.P.

DIREKTOR

Obrazac S2

_____ naziv ovlaštene institucije

_____ adresa

Broj: _____

Datum: _____

_____ vlasnik sjemenskih objekata

ZAPISNIK

Na temelju pravilnika o načinu i metodologiji po kojoj će se provoditi stručni pregled nad proizvodnjom sjemena poznatog podrijetla, izvršen je pregled i obilježavanje sjemenskih stabala u slijedećim sastojinama, za proizvodnju sjemena poznatog podrijetla:

Sastojina (vrsta)	Gospodarska jedinica	Odjel	Urod sjemena	Broj izdvojeni stabala za sabiranje sjemena

Pregledom sastojina procijenjen je slijedeći urod:

Ekološko vegetacijska pripadnost (sjemenskog objekta)	Zemljopisna dužina	Zemljopisna širina	Nadmorska visina

Pregledom sastojina konstatirano je slijedeće zdravstveno stanje:

--

Preporučene uzgojno zaštitne mjere u objektima:

Od strane poduzeća šumarstva prisustvovala su pregledu sljedeće osobe:

- 1.
- 2.
- 3.

Kontrolu od strane ovlaštene institucije obavile su sljedeće ovlaštene osobe:

- 1.
- 2.
- 3.

Prvi pregled

Drugi pregled
Mjesto-Datum

M.P.

DIREKTOR

Obrazac S3

naziv ovlaštene institucije

adresa

Broj: _____

Datum: _____

vlasnik sjemenskih objekata

ZAPISNIK

Na temelju pravilnika o načinu i metodologiji po kojoj će se provoditi stručni pregled nad proizvodnjom sjemena, daje se prijedlog za brisanje slijedećih sjemenskih objekata iz registra:

Sjemenska sastojina – plantaža (klon) – matičnjak (vrste)	Gospodarska jedinica	Odjel	Registracijski broj

Obrazloženje brisanja iz registra:

Od strane šumarstva prisustvovala su pregledu slijedeće osobe:

- 1.
- 2.
- 3.

Kontrolu od strane ovlaštene institucije obavile su slijedeće ovlaštene osobe:

- 1.
- 2.
- 3.

Prvi pregled

Drugi pregled
Mjesto-Datum

M.P.

DIREKTOR